

禹贡指南

毛晃

文硕阁

wenshuoge.com

目录

关于我们

禹贡指南六韵

提要

禹贡指南卷一

禹贡指南卷二

禹贡指南卷三

禹贡指南卷四

3

5

6

7

18

28

35

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望可以帮助有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

禹贡指南六韵

御制题毛晃禹贡指南六韵

防禹其鱼功不刊导川敷土下民安九州既奠爰分域四海防同永宴澜毛晃指南因有述文渊阙氏乃无端【宋史艺文志不载是书明焦竑经籍志载禹贡指南一卷宋毛晃撰自为可据而朱 尊经义考则云未见又云文渊阁书目有之不着撰人书目成于杨士奇与焦竑为同时不应书成而佚其姓名岂未加深考耶】焦竑志籍传名著朱子说书取训诂千古渊源率由邇诸家附防概祛 独于分野称星宿未识恢恢天道宽【史记天官书二十八舍主十二州注引星经如云角亢郑之分野之 乃以二十八宿主十二州分配无余此外更当何属夫天无不覆星丽乎天亦当无不照今十二州皆中国之地岂中国之外不在此昭昭之内乎且其间有地少而星多亦有地多而星少以天度地舆准之亦不均如井 为雍州陝西甘肃皆是其道里之广已非两舍所能该而今拓地远至伊犁叶尔 喀什噶尔较禹贡方隅几倍蓰其地皆在甘肃以外将以雍州两星概之乎抑别有所分属乎此又理之难通者盖分野之说本不足信而灾祥则更邻于防纬皆非正道晃是编于山水原委考证明当不泥诸儒附防之说故朱子书说蔡氏集传多用之独惜其引春秋元命苞谓某星散为某州流为某州并载及占驗与分野说虽不同而意则相似犹不免于拘墟之见耳】

提要

【臣】等谨案禹贡指南四卷宋毛晃撰晃宋史无 其始末未详世 其增注礼部韵畧于绍兴三十二年表进自着曰衢州免解进士盖高宗末年人也是书宋史艺文志不着録焦竑经籍志载禹贡指南一卷宋毛晃撰朱彝尊经义考云未见又云文渊阁书目有之不着 人疑即晃作则旧本之佚久矣今考永乐大典所载与诸家注解散附经文各句下谨缀録成篇厘为四卷以世无 本其体例之旧不可见谨以经文次第标列其无注者则经文从畧焉其书大抵引尔雅周礼汉志水经注九域志诸书而旁引他說以证古今山水之原委颇为简明虽生于南渡之后僻处一隅无由睹中原西北之古迹一一统核其真而援据考证独不泥诸儒附防之說故后来蔡氏集 多用之亦言地理者所当考证矣乾隆四十三年六月恭校上

总纂官【臣】纪昀【臣】陆锡熊【臣】孙士毅

总校官【臣】陆费墀

禹贡指南卷一

宋毛晃撰

冀州

尔雅两河间曰冀州郭璞注曰自东河至西河李巡注曰两河间其气清厥性相近故曰冀冀近也周礼职方氏河内曰冀州谓其在三河之内盖东河之西西河之东南河之北也案禹贡导河积石自积石而下南流谓之西河至于华阴折而东经底柱山又东迳孟津东过洛水之北皆东流谓之南河至于大伾山折而北流过降水至于大陆又北播为九河同为逆河入于海谓之东河尔雅言两河间者举其二则三可知也

晋地理志春秋元命苞云昴毕散爲冀州乱则冀安弱则冀强荒则冀丰孔安国曰舜分冀州之域为幽州并州孔颖达曰据职方氏幽并山川皆冀州之域故安国知之杜牧罪言禹画九土一曰冀州程其水土与河南等常重十一二以其恃强不循理冀其必破弱虽已破冀其复强大因以为名

既载壶口

九域志河东隆德府潞州上党郡上党县壶口山在上党东太行山在上党南
汉地理志在河东郡北屈县东南今隰州吉乡县也

治梁及岐

梁山在左冯翊夏阳县西北水经河水南迳梁山原东酈道元注自原山东南至河晋之望也
谷梁传成公五年梁山崩遏河水三日不流晋侯以问伯宗即是处也
九域志今永兴县即同州冯翊郡定国军有梁山山在龙门之南

岐山水经在右扶风美阳县西北梁岐二山在雍州今于冀州言之者岂当时河患上及梁岐乎禹导底柱则壶口平而梁岐自治因河而言非以二山为冀州之地也

既修太原至于岳阳

太原晋阳也今并州之地高平曰原此又原之大者太岳导山序壶口雷首至于太岳水经太岳山在

河东永安县南职方氏冀州山镇曰霍山案霍山有二在冀州者又谓之太岳在荆州者又谓之天柱山水出焉汉地理志作岳阳注在太原西南

覃怀底绩至于衡漳

覃怀 九域志今河北西路怀州河内郡即其地浊漳水一名降水导河序北过降水至于大陆是也顏师古注汉地理志衡漳谓漳水横流而入河也水经清漳水出上党沾县西北少山大黽谷南过

县西又从县南屈东过涉县西屈从县南东至武安县南黍窖邑入于浊漳酈注淮南子曰清漳出揭戾山高诱云在沾县汉分沾县为乐平郡治沾县晋太康地记曰乐平县旧名清漳涉县魏郡之属县也九域志河北东路冀州信都郡定武军有昌亭城水经云漳水东北至昌亭今滹沱衡漳水今长芦河则其故渎也

厥赋惟上上错厥田惟中中

诸州杂赋 冀上上错扬下上上错豫错上中梁下中三错

诸州田赋 雍田上上徐田上中青田上下豫田中上冀田中中兗田中下梁田下上荆田下中扬田下下冀赋上上豫赋杂出亦上上冀赋杂出上中豫赋亦上中荆赋上下青赋中上徐赋中中兗雍之赋中下扬赋杂出亦中下扬赋下上梁赋杂出亦下上梁赋下中梁赋杂出又下下雍青徐以上地出中赋冀以中地出上赋

恒衛既从大陆既作

恒水 出常山上曲阳东入滹水 水经滹水出代郡灵邱县高氏山南过广昌县南又东南过中山上曲阳县北恒水从西来注之注滹水兼纳恒川之通称

衛水 出常山灵寿县东北入滹沱河

大陆

在钜鹿县北尔雅晋有大陆注今钜鹿北广河泽是也大陆之野一名朝歌商纣之所都也 水经注引应劭曰麓者林之大也尚书曰尧将禅舜纳之大麓之野烈风雷雨不迷致之以昭华之玉而县取目焉秦始皇二十年灭赵以为钜鹿郡汉景帝中元元年为广平郡武帝征和三年为广平侯国光武中兴更为钜鹿今属邢州汲郡修武县亦有大陆

岛夷皮服

岛夷 汉地理志作鸟夷顏师古曰东北夷搏取禽兽食其肉衣其皮也一説居海岛被服容止皆象鸟作岛谓居海岛也

夹右碣石入于河

碣石山 在海畔右北平骊城县西南河自碣石山南渤海之北入海夹右夹音挟自海入河逆

流而西右顾碣石如在挟掖也 水经碣石山在辽西临渝县南水中注大禹凿其石右夹而纳河秦始皇汉武帝皆尝登之海水西侵岁月逾甚而苞其山故言水中也 水经河水东北过甲下邑济水从西来注之又东北入于海又东分为二水枝津东迳甲下城南东南历常沈注济注经言济水注河自枝津东北流迳甲下邑东北流入于海淮南子曰河九折注为海而流不絶者昆仑之输也禹贡曰夹右碣石入于河山海经曰碣石之山绳水出焉东流注于河河之入海旧在碣石今川流所导非禹渎也周定王五年河徙故渎故班固曰商竭周移也 顔师古曰言禹夹行此山之右而入于河逆上也孔 同 凡九州末言由诸水入河者皆通舟楫漕运以达京师也

济河惟兖州

东南据济西北距河河济之间相去不遠兖州之界止于济也 尔雅济河间曰兖州注自河东至济周礼职方氏河东曰兖州 武王封周公子伯禽于曲阜为鲁侯秦为薛郡后魏置南兖州于譙城置西兖州于定陶城隋改爲鲁州唐武德初平徐圆朗复为兖州 晋地理志兖州济河地舜置十二牧则其一也春秋元命苞云五星流为兖州兖端也信也又曰盖取兖水以为名焉

九河既道

徒骇 郭璞曰今在成平县义未闻

太史 郭璞曰今所在未详

马颊 郭璞曰河势上广下狭状如马颊【案原本缺太史马颊二河今 入】

覆鬴 郭璞曰水中可居往往而有状【案今本尔雅注作水中可居住而有状】如覆釜

胡苏 郭璞曰东莞县今有胡苏亭其义未详简 郭璞曰水道简易

絜 郭璞曰水多约絜

钩盘 郭璞曰水曲如钩流盘桓也

鬲津 郭璞曰水多阨狭可隔以为津而横渡尔雅九河皆禹所名 正义曰河自大陆以北敷为九河谓大陆在冀州嫌九河亦在冀州故云在此州界也河从大陆东畔北行而东北入海冀州之东境至河之西畔水分大河东为九道故知在兖州界平原以北是也李巡曰徒骇禹疏九河以徒众起故云徒骇太史禹大使徒众通其水道故云太史马颊河势上广下狭状如马颊也覆釜水中多渚往往而处形如覆鬴胡苏其水下流故曰胡苏胡下也苏流也简大也河水深而大也絜言河水多山石治之苦絜絜苦也钩盘言河水曲如钩屈折如盘也鬲津河水

狭小可鬲以为津也孙炎曰徒骇禹疏九河用功虽广众惧不成故曰徒骇胡苏水流多散胡苏然其余同李巡导河篇云济水故渠今在冀州西界大陆今在德州德平县经沧州清池县西北太史今在德州安德县东南经沧州临津县西马颊在德州北平县经安德县西南恩州漳南县东棣州商河县北覆鬴今在永静军阜城县东经东光县西北胡苏今在沧州南皮县东光县北经沧州无棣县西北絜今在沧州南皮县经沧州临津县钩盘今在德州德平县西经沧州乐陵县东棣州阳信县北沧州乐陵县西南鬲津在德州平原县东经沧州临津县东乐陵县西饶安无棣县南并在德州平原以北惟简河亡焉同为逆河入于海今大名府石奔故渎在焉

雷夏既泽

雷夏泽 在济阴成阳西北水经注云雷泽西南十许里有小山山北有小阜南属池泽之东北有陶墟郭縁生言舜陶所在墟阜聯属滨带瓠河也一云舜所渔处本名夏泽

灋沮防同

灋水 灋于用切尔雅水自河出为灋又云河有灋又云灋反入郭注河水决出复还入者河之有灋犹江之有沱汉地理志作雍沮沮水出常山元氏县入河雍水不言出入

沮水 沮七余切案沮水与雍州沮水不同荆州沮水在房陵左所谓江汉沮漳楚之望也导川云漆沮既从即雍州之沮也今此沮水自会同于雷夏之间非雍州之沮也水经不着所出或云沮水出北地路县入洛洛非河南洛水也

厥土黑坟

土黑坟 坟扶粉切土脉坟起也

厥田惟中下厥赋贞

田中下第六

赋贞赋与田相当

厥筐织文

筐织文 汉地理志筐字作𦉰顏师古曰𦉰与筐同竹器筐属织文锦绮之冀州不言贡筐贡者下以职供之谓也冀州帝都所在无所效其臣职故也

浮于济漯达于河

济水 沆水东流为济 尔雅济为澹澹音楚济水出河东垣县王屋山东南至河内武德县入河并流而南截河又并流溢出乃为滎泽也 水经济水出河东垣县东王屋山为沆水又东至温县西北为济水又南当巩县北南入于河与河合流而东过滎阳县北
汉地理志济作沛州未言浮于济漯达于河 顏师古曰浮以舟渡也达通也因水入水曰通又解在导川沆水济水下

漯水 出东郡东武阳县至乐安千乘县入海 水经漯水东出于高唐县大河右迤东注漯水 酈道元注曰桑钦地理志曰漯水出高唐余案竹书穆天子 称丁 天子自五鹿东征钓于漯水是日祭丘己巳东征食马于漯水之上寻其沿厯迳趣不得近高唐也桑氏所言盖津流出次于其间也 地理风俗记曰漯水东北至千乘入海河盛则通津委海水耗则防消絶流

海岱惟青州

东北据海西南距岱

青州 东北跨海及辽东舜分青为营州即辽东也汉末公孙度据辽东自号青州刺史尔雅齐曰营州郭注自岱东至海此盖商制无青州并青于徐周制有青无徐并徐于青故职方氏正东曰青州其山镇曰沂山其泽薮曰望诸其川淮泗其浸沂沭
晋地理志青州盖取土居少阳其色为青故以名也春秋元命苞云虚危流为青州

嵎夷既畧

嵎夷 尧命羲仲所宅处以其在东日所出故曰暘谷

淮溜其道

淮水 出琅邪箕屋山北至都昌县入海 水经淮水出琅邪箕县东北过武城县西又北过平昌县东又北过高密县西又北过淳于县东又东北迳都昌县东又东北入于海注云淮水导源淮山许叔重吕忱云淮水出箕屋山淮南子曰淮水出覆舟山盖广异名也

溜水 出泰山莱芜县原山东北至千乘博昌县入海 水经溜水与汶水同出泰山莱芜县原山东北又东北过临淄县东又东过利县东又东北入于海汉地理志淮溜作惟留 顏师古曰淮溜惟留古今

通用道读曰导导治也一说水复故道音上声一音导谓遵道而流也

海滨广斥

斥卤地也汉志海滨作海濒广斥作广渰注濒音频又音滨渰音昔

厥田惟上下厥赋中上厥贡盐絺海物惟错岱畎丝枲铅松怪石莱夷作牧厥筐絜丝

田上下第三

赋中上第四

贡盐絺海物丝枲铅松怪石筐絜丝

顏师古曰絜桑也食絜之蚕丝可以 琴瑟或曰絜山柘也蚕食柘叶者丝黄而韧可以为

莱夷 春秋夹谷之会莱人以兵刼鲁定公孔子曰两君合好而夷裔之俘以兵乱之是知古者东莱之有夷也夹音刼 应劭十三州记曰泰山莱芜县鲁之莱柞邑也左传与之无山及莱柞【案左 本作辞以无山与之莱柞】是也齐灵公灭莱莱民稍流此谷邑落荒芜故曰莱芜汉高祖置县莱山之夷周曰莱子国汉曰东莱

浮于汶达于济

汶水 尔雅汶为澗澗音闾 水经汶水出泰山莱芜县原山西南过嬴县南又东南过奉高县北屈从县西南流过博县西北又西南过蛇邱县南又西南过冈县北又西南过平章县南又西南过无盐县南又西南过寿张县北又西南至安民亭入于济注莱芜县在齐城西南原山又在县西南六十里许地理志汶水与淄水俱出原山西南入泲故不得过其县南也从征记曰汶水出县西南流 淮南子汶水出朱虚弗其山乃东汶水非此也 诸州之末皆记入河水道以尧都在冀而河行于冀也青州虽不言河而曰达于济则因济达河也 地理志州末言浮于汶达于泲顏师古曰言渡汶水西达于泲也青州不言河由兗而见也兗州之末言浮于济漯达于河谓渡济漯而通河也青州次兗故言达于济达通也因水入水曰通渡汶通济则渡济可以通河矣

海岱及淮惟徐州

徐州

尔雅济东曰徐州注云自济东至海李巡注曰淮海间其气寛舒稟性安徐故曰徐徐舒也周礼职方氏无徐州正义曰以徐州合之于青州青州分为幽并 晋地理志徐州于周入青州之域春秋元命苞云天氏流为徐州盖取舒緩之义或曰因徐邱以立名

淮沂其乂

淮水 出桐柏山其源遠矣于此言之者淮水至此而大为害尤甚喜其治故于此纪之淮水出胎簪山东北过桐柏胎簪盖桐柏之旁小山也 水经淮水东至广陵淮浦县入于海顏师古注汉地理志淮水出大复山 九域志寿春府有淮渚 胎簪山在南阳平氏县

沂水 水经注沂水出尼邱山西北经鲁之雩门曾防浴乎沂者非禹贡沂水也

羽其艺

山 水经注云禹贡有两 山在徐州者在泰山 阴县西南在梁州者在蜀郡青衣县今日蒙顶羽山 水经注在东海祝其县南山西有羽渊禹父之所化其神为黄能入于羽渊 山海经曰洪水滔天鲧窃帝之息壤以堙洪水不待帝命帝令祝融杀鲧于羽郊 汉地理志艺作蓺

大野既猪

尔雅鲁有大野郭璞注今高平钜野县东北大泽是也 钜野县今属济州 汉地理志作大埜 春秋左氏 哀公十四年春西狩于大野叔孙氏之车子鉏商 麟杜预曰大野在东平钜野县东北大泽是也 周礼职方氏大野属兖州泽藪

东原底平

东原 今东平郡郅州在鲁之西 麟之地

羽畎夏翟峩阳 桐泗滨浮磬淮夷蠙珠暨鱼厥篚 纤维

汉地理志夏翟作夏狄泗滨作泗濒暨鱼作泉鱼篚元纤维 言献黑细纁及鲜支也或谓纤言质之细而元之与缁其色也以纤该于元缁之中则色虽不同皆纤质也此乃古史立言之法犹云土梦然耳礼记注云元与缁谓之纤一曰白经黑纬曰纤诗

注亦作綬

浮于淮泗达于河

汉地理志州末言浮于淮泗入于河颜师古曰渡二水而入于河

汴河 右自淮泗入河必道于汴世谓隋炀帝始通汴入泗禹时无此水道以疑禹贡之言此特学者攷之不详而已案前汉书项羽与汉约中分天下割鸿沟以西为汉以东为楚文颖注云于荥阳下引河东南为鸿沟以通宋郑陈蔡曹卫与济汝淮泗会于楚即今官渡水也魏曹操与 绍相持于官渡乃楚汉分裂之处盖自秦汉以来有此安知非禹迹也禹贡九州之末皆记入河水道而淮泗独不能入河帝都所在理不应尔意其必开此道以通之其后或为鸿沟或为官渡或为汴上下百余里间不可必然皆引河水而注之淮泗也故王濬伐吴杜预与之书曰足下既摧其西藩当径取秣陵讨累世之逋寇释吴人于涂炭自江入淮逾于泗汴汴河而上振旅还都亦旷世一事也王濬舟师之盛古今绝伦而自汴水汴河可以班师则汴水之

大小当不减于今又足以见秦汉魏晋皆有此水道非炀帝创开也自唐以前汴泗防于彭城之东北然后东南入淮近岁汴水直达于淮不复入泗矣吴王夫差开沟通水与晋防黄池而江始有入淮之道禹时则无之故禹贡曰沿于江海达于淮泗明非自海入淮则江无通淮之道今徐州之末云浮于淮泗达于河不言自海则鸿沟官渡汴水之自禹以来有之明矣特濬堙不常故晋刘裕王仲德开钜鹿入河则泗水不由汴入河其后钜野道塞故汴至彭城东北入泗又东南入淮又其后不复入泗达于淮钜野道复开由彭城出东平而入河汴水不复治矣炀帝岂复濬之乎虽江淮亦有可疑者以孟子排淮泗而注之江之言攷之则其道尚矣夫差亦复濬之尔

淮海惟扬州

尔雅江南曰扬州注云自江南至海李巡注曰江南其气燥劲厥性轻扬故曰扬扬轻也周礼职方氏东南曰扬州其山镇曰会稽其泽藪曰具区其川三江其浸五湖晋地理志引春秋元命苞云牵牛流为扬州分为越国以为江南之气燥劲厥性轻扬亦曰州界多水水波扬也于古则荒服之国战国时其地为楚分

彭蠡既猪

彭蠡 汉水南入于江东滙泽为彭蠡在彭泽西北今南康军湖是也

阳鸟攸居

阳鸟 汉地理志阳鸟攸居作适居孔丛子小尔雅广鸟篇去阴就阳者谓之阳鸟鸿鴈是也今曰阳鸟岂误写鸟字作鸟邪抑亦通称也邪

三江既入

三江 水经南江东北为长渚历河口东南注于具区谓之五湖口东则松江出焉江水奇分谓之三江口酈道元注曰吴越春秋称范蠡去越乘舟出江之口入五湖之中也此亦别为三江庾仲初扬都赋注曰今太湖东注为松江下七十里有水口分流东北入海为娄江东南入海为东江与松江而三也水经又云三江口之水又东至会稽余姚县东入于海注云谢灵运云具区在余姚然则余暨是余姚之别名也今余暨之南余姚西北浙江与浦阳江防同归海但水名已殊非班固所谓南江者也郭璞曰三江者浙江松江岷江也然浙江出南蛮中不与岷江同作者述志多言江水至山阴为浙江今南江枝分历乌程县南通余杭县则与浙江合故阡驷十三州志曰江水至会稽与浙江合浙江自临平湖南通浦阳江又于余暨东通浦阳江自秦望分派东至余姚县又为江也颜师古注汉地理志曰三江谓北江中江南江也韦昭注史记曰三江谓吴松江钱塘江浦阳江也苏东坡曰三江之入古今皆不明予以所见攷之自豫章而下入于彭蠡而东至海为南江自蜀岷山至于九江彭蠡以入于海为中江自嶓冢导东流为汉过三澨大别以入于江滙为彭蠡以入于海为北江此三江自彭蠡以上

为二自夏口以上为三江汉合于夏口与豫章之江皆滙于彭蠡则三江为一过秣陵京口以入于海不复三矣然禹贡犹有三江之名曰北曰中者以味别也盖以三水性不相入江虽合而水味异故至于今而有三泔之說古今称唐陆羽知水味三泔相杂而不能欺不可诬也予又以禹贡之言攷之若合符节书之叙汉水也曰嶓冢导 东流为汉又东为沧浪之水过三澨至于大别南入于江东滙泽为彭蠡东为北江入于海夫汉既已入江且滙为彭蠡矣安能复出为北江以入于海乎知其以味别也书之叙江水也曰岷山导江东别为沱又东至于澧过九江至于东陵东迤北会于滙东为中江入于海夫江既已与汉合且滙为彭蠡矣安能自别为中江以入于海乎知其以味别也汉为北江岷山之江为中江则豫章之江为南江不言可知矣禹以味别信乎曰济水既入于河而溢为荥禹不以味别安知荥之为济也欽尧水之未治也东南皆海岂复有吳越哉及彭蠡既猪三江入海则吳越始有可宅之土水之所钟独震泽而已故曰三江既入震泽底定孔安国以为自彭蠡江分为三入震泽为北江入于海疏矣盖安国未尝南游案经文以意度之不知三江距震泽远甚决无入理而震泽之大小决不足以受三江也班固曰南江从防稽吳县南入海中江从丹阳芜湖县西东至防稽阳羡东入海北江从防稽毗陵县北东入海防稽丹阳容有此三江然皆是东南支流小水自相派别而入海者禹贡所谓中江北江自彭蠡出者也徒见禹贡有三江中北江之名而不悟一江三泔合流而异味也故杂取支流小水以应三江之数若使此三者为三江则是与今京口入海之江为四矣京口之江视此三者犹畎浍禹独遗大而数小何邪此苏氏之說也予谓三江之說古今诸儒互相矛盾学者徒取北江中江以为三江之目而不知禹贡中无南江之目是未免乎牵合也苏氏味别之說尤为难据且江汉之水皆滙为彭蠡以入海而不三出矣安有中北之辨乎况三江距震泽为远禹贡言三江既入然后震泽之水有所 而底定明知扬州之地自有三江非江汉中江之江也案水经有三江口五湖口疑禹贡所谓三江者即三江口也盖言三江口水入海则震泽之水有所泄而底定此理甚明其文连属震泽而设非谓南江中江北江与义兴毗陵吳县之江也故导川叙江与汉虽言中江北江而不言三江是知三江为三江口也犹言五湖然虞翻曰太湖有五湖曰溇湖曰洮湖曰射湖曰贵湖与太湖而五并太湖之小支俱连太湖兼得五湖之名在今湖州东即水经所谓南江东北为长渚历河口东南注于具区谓之五湖口东则松江出焉江水奇分谓之三江口吳越春秋称范蠡去越乘舟出三江之口入五湖之中是也非谓洞庭番禺青草之五湖也苏氏以岷山之江为中江汉水为北江豫章之江为南江不知豫章之江何从出哉使豫章之江同入于滙泽而入海则书当叙豫章之江北入中江如沧浪南入于江之 可也今则不闻是亦未免牵合也以书攷之其曰东迤北防于滙东为中江入于海孔氏 曰迤溢也东溢分流北防彭蠡举其說谓岷山之江本不汇于彭蠡但迤溢分流为二其支北汇于彭蠡出为中江其本为南故汉江为北而王荆公以谓一江自义兴一江自毗陵一江自吳县义兴古之阳羡毗陵今之丹徒春秋谓之延陵季札所居之地吳县今之吳江三江介于常润苏三州之间而震泽瞰乎三州之界尾通吳兴苕霅之水出焉此言殆与班固相表里然虽详而无统槩之禹贡之文不若孔氏之 为稍长亦未允也

震泽底定

震泽 尔雅吳越之间有具区郭注今吳县南太湖即震泽是也 国语越伐吳而战于五湖又云

范蠡灭吳返至五湖而辞越斯乃太湖之通称也虞翻曰是湖有五道故曰五湖韦昭曰今太湖是也尚书谓之震泽尔雅以为具区方圆五百里水经震泽在吳县南五十里又曰中江在丹阳芜湖县南东至防稽阳羨县入于海北江在毗陵北界东入于海注云地理志曰江水自石城东出迳吳国南为南江江水自石城东入为贵口东迳石城县北水经南江又东与贵长池水合又南迳宣城之临城县南又东与桐水合又东迳宁国县南又东北为长渚历河口东南注于具区东则松江出焉江水奇分谓之三江口顏师古曰五湖在吳越絕书曰太湖周三万六

千顷沈括曰司马相如上林赋叙上林诸水曰丹水紫渊灞浐泾渭八川分流相背而异态灞滹沱东注太湖八川自入大河大河去太湖数千里中间隔大山及淮济大江何緣与太湖相涉郭璞江赋云注五湖以漫漭灌三江而瀚沛墨子曰禹治天下南为江汉淮汝东流注之五湖孔安国曰自彭蠡江分为三入于震泽复为北江而入于海此皆未详攷地理江汉至五湖自隔山其末乃绕出五湖之下流径入于海何緣入于五湖淮汝自迳徐州入海全无交涉禹贡曰彭蠡既猪阳鸟攸居三江既入震泽底定以对文言则彭蠡水之所猪三江水之所入非入于震泽也震泽之源皆山环之了无大川震泽之委则多大川亦莫知孰为三江者盖三江之水无所入则震泽壅而有害三江之水有所入然后震泽底定此水之理也沈氏论上林赋及孔安国之误明矣然以为彭蠡水之所猪三江水之所入是水猪于彭蠡入于三江也猪于彭蠡者江汉之所汇是也入于三江者果何水乎且经言三江既入乃谓三江之水既入于海非谓水入三江也沈氏又云三江之水无所入则震泽壅而有害三江之水有所入然后震泽底定乃是三江水入海而非水入三江也若以为三江水有所入然后震泽底定则是三江与震泽相通而非岷江汉江也通震泽者惟松江则水经所谓三江口者近之矣然禹贡所言三江既入震泽底定盖总记扬州水患既平三江之水已入于海无泛滥之患震泽之水亦底于静定有涵浸之润灌溉之功未必谓二者相通此有所入而后彼有所定也

瑶琨篠簜

瑶琨 汉地理志琨作瓊

岛夷卉服厥篚织贝

岛夷 南海岛夷织草木为服如今 贝蕉葛之属 贝闽俗呼为木棉
汉地理志作鸟夷顏师古曰鸟夷东南之夷善捕鸟者也卉服絺葛之属

篚织贝 顏师古曰织谓细布也贝水虫也古以为货

沿于江海达于淮泗

汉地理志作均江海通于淮泗顏师古曰均平也通淮泗而入海故云平 扬州不言河因徐州而见也徐州之末言浮于淮泗达于河谓渡淮泗而入河扬州次徐故言达于淮泗顺流而下

曰沿沿江海以通淮泗则浮淮泗可以通河矣 左传沿汉沔江杜预曰沿顺流沔逆流

禹贡指南卷一

禹贡指南卷二

宋 毛晃 撰

荆及衡阳惟荆州

荆州 尔雅汉南曰荆州注云自汉南至衡山之阳李巡曰荆州其气燥刚稟性彊梁故曰荆荆彊也秦为南郡即郢都之渚宫楚之故都也 周礼职方氏正南曰荆州其山镇曰衡山其泽薮曰云梦其川江汉其浸潁湛注衡山在湘南云梦在华容潁出阳城宜属豫州在此非也湛未闻 晋地理志引春秋元命苞云軫星散为荆州荆彊也言其气燥彊亦曰警也言南蛮数为寇逆其人有道后服无道先叛易警备也又云取名于荆山荆取名于荆山其义最近荆者小木名亦曰楚故春秋书楚为荆

江汉朝宗于海

江水 出岷山 水经江水自天彭阙东迳汶闕而历氏道县北酈注云益州记曰自白马岭 行二千余里至龙涸又八十里至西陵县又南下六十里至石镜又六十余里而至蜀郡北部始百许步又西百二十余里至汶山故郡乃广二百余步又西南百八十里至湿坂江稍大矣故其精则并络纒曜江汉晒灵河图括地象曰岷山之精上为并络帝以防昌神以建福故禹贡曰岷山导江泉流深遠盛为四渎之首广雅曰江贡也风俗通曰出珍物可贡献释名曰江共也小水流入其中所公共也

汉水 汉出嶓冢之漾漾水东南流为沔至汉中东行为汉 水经注云山海经汉出酇嶓山东北流得献水口庾仲雍曰是水南至闕城合西汉水汉水又东北合沮口同为汉水之源也故如淳曰北方人谓汉为沔水孔安国谓漾水东流为沔盖与沔合也至汉中为汉水是互相通称也又云沔水一名沮水酈驩曰以其初出沮洳然故曰沮水也 水经沔水出武都沮县东狼谷中因水名县楚昭王所谓江汉沮漳楚之望也酈注引庾仲雍言汉水自武遂川南入蔓葛谷越野牛迳至闕城合西汉水故诸言汉者多言西汉水至葭萌县入汉又曰始源曰沔是以经云漾水出氏道县东至沮县为汉水东南至广魏白水诊其沿注似与三説相符而未极西汉之源矣然东西两川俱受沔水之名义或在兹班固地理志司马彪 山松郡国志并言汉有二源东出氏道西出陇西县之嶓冢山酈驩云漾或为洋洋水出昆仑西北隅至氏道重源显发而为漾又言陇西县嶓冢山在西西汉水所出南入广魏白水又云漾水出獮道东至武都入汉许叔重吕忱并言漾水出陇西獮道东至武都为汉水不言氏道然獮道在冀之西北又隔诸川无水南入疑出獮道之为谬矣山海经曰嶓冢之山汉水出焉而东南流注于江然则东西两川俱出嶓冢而同为汉水者也孔安国曰泉始出为漾其犹 耳而常璩华阳国记专为漾山漾水者是作者附而为山水之殊目耳

九江孔殷

贾耽所记江有八洲与江为九非经意也 孔安国曰江于此州界分为九道甚得地 之中 张须元縁江图云一曰三里江二曰五州江三曰嘉靡江四曰乌土江五曰白蚌江六曰白乌江七曰箇江八曰沙提江九曰廩江参差随水长短或百里或五十里始于鄂陵终于江口防于桑落洲 水经九江在长沙下隼西北楚地记曰巴陵潇湘之渊在九江之间今岳州巴陵县即楚之巴陵汉之下隼也洞庭正在其西北则洞庭之为九江审矣

沱潜既道

沱水 水经沱水在南郡枝江县西南其一在郫县西南皆还入江荆州记沱水在南郡枝江县三澨地之南邛县之北

潜水 潜水出天柱山天柱山亦名霍山 孔安国梁州下注云沱潜发源梁州入荆州水经注庾仲雍云垫江有别江出长寿县即潜水也其南源取巴西是西汉水也 尔雅曰水自江出为沱自汉出为潜

云土梦作义

尔雅楚有云梦郭注今南郡华容县东南巴邱湖是也 案春秋 昭公三年郑伯如楚子产相既享子产备田具以田江南之梦定公四年呉入郢楚子涉睢济江入于云中则云与梦二土名杜预曰枝江县安陆县有云梦盖跨川亘隰兼包 广今德安府有云梦县 晋武帝太康五年立监利县土卑下泽多陂池西南自州陵东界迤于云杜沌阳为云梦之薮陆德明释文梦音莫红切 汉高帝纪伪游云梦

韦昭曰云梦在南郡华容县顔师古曰梦读如本字又音莫红切 司马相如赋吞 云梦者八九 九域志安州今德安府安陆县云梦镇昔为县熙宁三年省县为镇入安陆周礼职方氏注云梦在华容郑氏据后汉时封域言之今华容为岳州支邑与云梦隔远 沈括曰旧尚书禹贡云云梦土作义至太宗皇帝时得古本尚书作云土梦作义诏改禹贡从古本予按孔安国注云梦之泽在江南不然也据左 呉人入郢楚子涉睢济江入于云中王寢盗攻之以戈击王王奔郢楚子自郢西走涉睢则当出于江南其后涉江入于云中遂奔郢郢则今之安州济江而后至云入云而后至郢则云在江北也左传曰郑伯如楚王以田江南之梦杜预曰楚之云梦跨江南北曰江南之梦则云在江北明矣元丰中予自随州道安陆入于汉口有竟陵主簿郭思者能言汉沔间地理亦以谓江南为梦北为云予以左 审之思之説信然江南则今之公安石首建宁等县江北则玉沙监利竟陵等县乃水所委其地最下江南水所出地稍高云方土而梦已作义矣此古本之为允也

厥贡羽毛齿革砺砥磬丹

汉地理志砺作厉羽毛作羽旄

三 底贡厥名

三 荆州之域有蛮荆楚三国皆贡箛篥栝顏师古曰箛篥竹名栝木名皆可为矢言此州界本有三国致贡斯物其名称美也 案春秋书荆人来聘即楚人也诗称因时百蛮蛮非一国之名谓蛮荆楚为三 恐非经意攷工记云才之美者有玃胡之筈郑注胡子之国在楚旁岂三之 欤

浮于江沱潜汉逾于洛至于南河

汉地理志潜作 顏师古曰浮以舟渡也逾越也言渡四水而越洛乃至南河也南河在冀州南江汉去洛远而不相通越陆跨洛故曰逾

荆河惟豫州

豫州 尔雅河南曰豫州注云自南河至汉李巡曰河南其气着密厥性安舒故曰豫豫舒也 周礼职方氏河南曰豫州其山镇曰华山其泽薮曰圃田其川荣雒其浸波澆注波读为播春秋曰楚子除道梁澆营军临随则澆宜属荆州在此非也当攷
释名曰豫州在九州中京师东常安豫也秦为三川郡汉为河南郡后魏置司州又改为豫州晋地理志豫州按禹贡为荆河之地豫者舒也言禀中和之气性理安舒也春秋元命苞云钩钤星别为豫州地界西自华山东至于淮北自济南界荆山

伊洛瀍涧既入于河

伊水 水经伊水出南阳县西蔓渠山东北过郭落山又东北过陆浑县南又东北过新城县南又东北过伊阙中又东北至洛阳县南北入于洛酈注曰山海经蔓渠之山伊水出焉淮南子曰伊水出上魏山地理志曰伊水出熊耳山即麓大同陵畎互别耳昔有莘氏女采桑于伊川得婴儿于空桑中长有贤德殷以为尹曰伊尹

洛水 水经洛水出京兆瀍举山东尸水注之又东得乳水又东防于龙余之水又东门水出焉又东迳熊耳山北禹贡所谓导洛自此始山海经曰出上洛西山又曰瀍举之山洛水出焉又曰阳虚之山临于元扈之水是为洛汭注阳虚鹿蹄以至元扈凡九山通与瀍举为九故山海经曰此二山者洛间也又博物志曰洛水出熊耳盖开其源者是也 汉志洛作雒魏畧曰魏文帝诏以汉火行也火忌水故洛去水而加隹魏于行次为土土水之牡也水得土而乃流土得水而柔故除隹加水变雒为洛按字书雒本鸟名一名鸟 故从各从隹各声隹形隹小鸟也汉人忌水借用雒字以代洛字魏复水名本字耳非创变也

瀍水 水经瀍水出河南谷城县北山东与千金渠合又东过洛阳县南又东过偃师县又东入于洛涧水 水经涧水出新安县南白石山东南入于洛注云山海经白石之山惠水出其阳东南注于洛涧水出其阴北流注于谷 孔安国曰涧水出澠池山今新安县北有一水北出澠池

界东南流迳新安县而东南流入于谷安国所言当斯水也然谷水出澠池下合涧水得其通称或亦指为涧水也澠池属西京亦作𣶒

茱波既猪

茱波 今茱阳在河南春秋衛狄战于茱阳当在河北孔颖达谓此泽跨河南北也禹贡不曰茱泽而曰茱波者尧时茱泽常波今始猪也

或説尔雅曰洛为波洛受澠水涧水又伊水之所出其为泛溢滋甚今始猪也 水经注亦曰茱播又引风俗通曰河播也谓沅水东流为济入于河溢为茱则茱波亦谓之茱播可也又曰谷水又东坡水注之山海经曰瞻诸山西三十里娄涿之山无草木多金玉波水出于其阴谓之北答水北流注于谷水经又曰济水入河与河合流又东过成臯县北又东过茱阳县北注引释名曰济济也源出河北济河而南也晋地理志曰济自大伾入河与水鬬南洑为茱泽阨咽曰茱波嶧泽名也故吕忱云嶧水在茱阳谓是水也昔禹塞其淫水而于茱阳下引河东南以通淮泗济水分河东南流 茱周礼诗正义左 皆作茱

导潁泽被孟猪

潁泽 沅水东出于陶邱北又东为潁泽在济阴定陶县东潁音柯亦作苛
汉志潁泽在湖陵盟猪在潁泽之东

孟猪 在梁国睢阳县东北潁泽之水流溢覆被之也 尔雅宋有孟诸郭注在今梁国睢阳县东北案梁国今大梁汴州睢阳今宋州大梁之大音泰非小大之大魏有少梁对大梁立名大梁唐为宣武节镇五代至本朝为京师 杜预曰孟诸泽在梁国睢阳县东北迳邛城县故城南案地理志曰山阳郡山阳县也王莽更为郅城春秋之郅国也此山阳非楚州之山阳 水经明都泽在梁郡睢阳县东北即孟猪也周礼职方氏青州其泽藪曰望诸汉志作盟猪史记作明都案释文都音猪则明与盟同盟津之盟音孟此亦当音孟

华阳黑水惟梁州

梁州 尔雅无梁青有幽营徐盖尔雅九州商之制也商时梁州或并于雍也周礼职方氏无徐梁有幽并盖周亦并梁归于雍也周之西南不置州自坤维以西統于雍以南統于荆汉武帝改雍曰凉改梁曰益 梁之东北雍之东南以华为畿 晋太康地记云梁者言西方金剛之气彊梁故因名之秦为汉中郡后其地入蜀魏末蜀分广汉三巴涪陵以北七郡为梁州梁武帝大同中复移在南郑 晋地理志春秋元命苞云参伐流为益州益之为言阨也言其所在之地险阨也亦曰疆壤益大故以名焉又曰梁者言西方金剛之气彊梁故因名焉

岷嶓既艺

岷山 水经岷山在蜀郡湔氐道西注云汉书以为湔山者是也江水出自岷山岷山在成都湔

氏道西徼外江水所出东南至江都入海又云岷山在蜀郡氏道县大江所出东南过其县北注岷山即洩山也水曰洩水又谓之汶阜山在徼外江水所导也益州记曰大江泉源即今所闻始发羊膊岭下縁崖散漫小大百数殆未滥觞东南下百余里至白马岭而厯天彭阙亦谓为天谷秦昭王以李冰为蜀守冰见氏道县有天彭山两山相对其形如阙谓之天彭门亦曰天彭阙江水自此以上至防细所谓发源滥觞者也汉延平中岷山崩壅江水三日不流扬雄反离骚自岷山投诸江流以吊屈原

嶓冢山 水经嶓冢山在 农卢氏县南注是山也谷水出其北林又云嶓冢山在陇西氏道县之南注南条山也禹贡漾水导自嶓冢山在陇西是也在 农名偶同耳

沱潜既道

沱潜二水 沱出于江潜出于汉二水发源此州而复出于荆州故于荆州云沱潜既道而于末又云浮于江沱潜汉

蔡蒙旅平

蔡山 书正义蔡山不知所在郑氏云在汉嘉一説在雅州

防山 在蜀郡青衣县其上出茶俗呼防顶茶

和夷底绩

和夷 西南夷

厥土青黎

顔师古曰色青而细疏

厥贡璆鐵银镂髀磬熊罴狐貉织皮

贡璆铁银镂髀磬熊罴狐貉织皮以罽曰织以裘曰皮
孔安国曰璆玉名镂刚铁贡四兽之皮织金罽织皮上疑脱厥篚二字 顔师古曰织皮谓罽也

言贡四兽之皮又贡杂罽也

西倾因桓是来浮于潜逾于沔入于渭乱于河

西倾山

在陇西临洮县西南在今洮州桓水出焉汉地理志作西顷音倾顏师古曰西顷山在临洮西南是为中条山

桓水 桓水入潜潜入沔

沔水 出嶓冢山为漾水东南流为沔沔至汉中东行为汉诗沔水 沔水流满也诗虽泛言流水此沔之名义则同 顏师古曰汉上曰沔正絕流曰乱言渡潜越沔得入于渭遂横流济河也或疑禹贡言西倾因桓是来继言浮于潜逾于沔入于渭意谓自桓入潜自潜入沔自沔入渭非也盖沔在梁州山南渭在雍州山北无入渭之道经言逾者逾越也自沔越陆而入渭其不相通可知顏师古谓越沔得入于渭是也 苏氏曰雍州之达帝都必自西倾自西倾因桓水而来浮潜而逾沔至渭陆行百余里然后逾渭以乱于河乱者絕流之义也盖自西倾因桓至乱于河皆是此州达于帝都之道

黑水西河惟雍州

雍州 尔雅河西曰雍州注云自西河至黑水李巡曰河西其气蔽塞厥性急凶故曰雍雍壅也周礼职方氏正西曰雍州其山镇曰岳山其藪泽曰 蒲其川泾汭其浸渭洛【洛在渭北非河南洛水】 地理风俗记曰汉武帝元朔三年改雍曰凉州以其金行土地寒凉故也后汉献帝以武帝改雍曰凉又分渭川河西郡为雍州至建安十八年复改为凉州晋地理志雍州以其四山之地故以雍名焉亦谓西北之位阳所不及阴阳气雍阨也释名曰雍翳也东崤西汉南商北居庸四山之所拥翳也

弱水既西

弱水 鸿毛不载至酒泉合黎张掖郡居延县东北居延泽即流沙河也合黎山水经谓之合离在酒泉防水县东北注云即合黎山也地志弱水出删丹县亦谓之张掖河

泾属渭汭

渭水 导出鸟鼠山会四水然后入河详见导川卷内

泾水 渭清泾浊汉沟洫志泾水一石其泥数斗九域志今泾州有泾水属秦凤路郑氏谓泾水出洛阳指渭北洛水之阳阳水北也

漆沮既从

漆水 渭水东过漆沮入于河 水经漆水出扶风杜阳县俞山东北入于渭注云山海经隃次之山漆水出焉北流注于渭盖自北而南矣史记夏本纪引禹贡导渭水东北至泾又东过漆沮

入于河孔安国曰漆沮二水名亦曰洛水也出冯翊北周太王去邠度漆逾梁山止岐下故诗云民之初生自土沮漆又曰率西水浒至于岐下是符禹贡本纪之說许慎說文穠漆水出右扶风杜阳县岐山东入渭从水黍声又云一曰漆城池也潘岳關中记曰關中有泾渭灞沔鄠鄠漆沮之水鄠鄠漆沮四水在长安西南鄠县皆注于渭

沮水 水经沮水出北地 路县东过冯翊祿县北东入于洛注云地理志沮水出畿县西东入洛郑渠在汉太上皇陵东南浊水入焉俗谓之漆水又谓之漆沮其水东入洛孔安国谓漆沮一名洛水此言漆沮东入洛非漆沮即洛水也长安志洛水在渭北东南流入渭盖漆沮入洛故俗呼漆沮为洛耳汉地理志漆水出漆县西阡驂十三州志云漆水出漆县西北岐山东入渭顏师古曰漆沮即冯翊之洛水也泮水出鄠之南山言漆沮既从入渭澧水亦来同也又汉五行志引史记周幽王二年三川皆震师古曰泾渭洛也洛即漆沮也水经注又引阡驂十三州志曰冯翊万年县西有泾渭北有小河谓漆水也其水西南迺郭 城西与白渠枝渠合又南入于渭水其一水东出即沮水也沮水又自沮 絶注浊水至白渠合焉故浊水得漆沮之名也

澧水攸同

澧水 出扶风鄠县东南北过汉上林苑入渭澧音丰 水经渭水又东澧水从南来注之注云地說曰渭水又东与澧水防于短阴山内水防无他高山异峦所有唯原阜石激而已水上旧有便门桥汉武帝建元三年造如淳曰去长安四十里 汉地理志澧作丰

荆岐既旅终南惇物至于鸟鼠

荆山 在冯翊怀德县南 荆山有二一在南郡临沮县东北在梁州者谓之南条在雍州者谓之北条西倾山在陇西临洮县西南谓之中条 左 昭公四年晋大夫司马侯曰四岳三涂阳城大室荆山中南九州之险也杜预曰荆山在新城沛乡县南沛音市乡音向 汉地理志注荆山在岐东

岐山 水经曰在扶风美阳县西北 左 椒举曰成王有岐阳之搜 山海经曰其上多白金其下多铁减水出焉东南流注于江 顏师古汉书注曰岐山在今岐山县其山两岐俗呼为箭栝岭

终南山 扶风武功县东有太一山即终南山也左 司马侯所言中南杜预注曰在始平武功县南汉地理志右扶风武功县注大壹山古文以为终

南垂山古文以为敦物二山皆在县东

惇物山 扶风武功县东有垂山即惇物山也 水经华山为西岳在 农华阳县西南注云即古文之惇物山也

鸟鼠山 水经鸟鼠同穴山在陇西首阳县西南注曰郑康成云鸟鼠之山有鸟焉与鼠飞行而处之又有止而同穴之山焉是二山也鸟名为𪚩似鷄而黄黑色鼠如家鼠而短尾穿地而共处鼠内而鸟外孔安国曰共为雌雄杜亮威曰同穴止宿养子互相哺食长大乃止张晏言不为牝牡故因以名山尔雅其鸟为𪚩其鼠为𪚩

原隰底绩至于猪野

猪野 豳地武威县东有休屠泽即猪野也休屠音朽储水经都野泽在武威县东北注云县在姑臧城北三百里东北即休屠泽也古文以为猪野其水上承姑臧武始泽泽水二源东北流为一水姑臧县故城西东北流

三危既宅三苗丕叙

三危山 水经三危山在炖煌县南炖煌音屯皇注云山海经三危之山三青鸟居之是山也广员百里在鸟鼠山西即书所谓窜三苗于三危也杜林曰炖煌古 州也州之贡物地出好民因名之自汉武帝后元年分酒泉置南七里有鸣沙山故亦曰沙州也 左 云先王居橐杪于四裔故允姓之奸居于 州杜预曰允姓之祖与三苗俱放于三危 州今炖煌也

厥田惟上上厥赋中下

右九州之田雍青徐为上豫冀兖为中扬梁荆为下盖河之末流在兖江之末流在扬二州多水患梁地多山兖赋居最下等尤轻于扬故兖赋为正梁之赋轻于扬重于兖故言三错兖之田下冀一等而赋下冀八等以山泽多河为大患也梁下冀一等而赋下冀五等以山林多江为大患也荆田下中赋上下则以其宜稻雍田上上徐田上中青田上下地势虽高然皆依于川故其旱干又有灌溉之利故青州上下之田也而赋中上徐州上中之田也而赋中中雍州上上之田也而赋中下皆以上地出中赋然地弥高者赋弥薄以其高则有旱干之虞冀田中中则其高可以备水溢卑可以无旱干故其赋第一郑康成曰冀州入谷不贡下云五百里甸服 云为天子服治其田是田入谷故不献贡篚差异于余州也甸服止方千里冀之北土境界甚遥远都之国必有贡篚此举其大畧而言也豫州之田中上则高于冀一等故其赋上中则下于冀一等冀赋上上错则杂出与豫等豫赋错上中则杂出与冀等二州之田与赋相去亦不遠矣若荆之田高于扬一等而已其土又与扬同而赋加扬四等何也荆扬下地于谷宜稻荆少高焉则水有所泄异于扬矣

右九州之赋唯出正赋而无杂赋者五州兖青徐荆雍也有杂赋者四州冀扬豫梁也冀州言赋上上错盖上下多而上中时少多者为正少者为杂言上上错者杂在正下故言上上而后言错豫州言错上中者杂在正上故先言错而后言上中扬州言下上上错不言错下上者以本设九等分三品为之上下中下上本是异品故变言耳梁言下中三错者梁州赋有三等其出下中时多故下中为正上有下上下有下下三等故言三错明杂出有下上下下可知也

浮于积石至于龙门西河防于渭汭

顏师古曰积石山在金城西南龙门山在河东之西界皆河水所经逆流曰防自渭北涯逆水西上也

织皮昆仑析支渠摻西戎即叙

织皮昆仑析支渠摻 织皮上疑简编脱厥筐二字不然则是史变文耳禹贡之筐皆在贡后立文而青徐扬三州皆莱夷淮夷岛夷所筐独梁州不言筐而云熊羆狐狸织皮雍州不言筐而云织皮昆仑析支渠摻西戎即叙织皮云者以罽曰织以裘曰皮言西戎即叙而后昆仑析支渠摻三国筐织皮以献但古语有颠倒详畧耳三国在荒服之外流沙之内 髣之属皆就次叙美禹之功被戎狄也文当在厥贡球琳琅玕下简脱在末也汉地理志渠摻作渠叟昆仑作昆仑

右九州之名因革不同案周公职録云黄帝受命风后受图割地布九州鄒子曰中国为赤县赤县之内有九州春秋説题辞曰州之言殊也尔雅释水云水中可居曰洲李巡曰四方有水中中央高独可居故曰洲天地之势四边有水邹衍书説九州之外有瀛海环之是九州居水内故以洲为名共在一洲之上分之为九耳汉地理志尧遭洪水怀山襄陵天下分为十二州使禹治之水土既平更制九州由是观之九州【原缺二字】当尧之时九年之水疆理错乱故禹复治而别之至【原缺四字】盛肇十有二州分冀为幽并分青为营更三代复【原缺十字】尔雅两河间曰冀州河南曰豫州河西曰豳州汉南曰荊州江南曰扬州济河间曰兖州济东曰徐州燕曰幽州齐曰营州郭璞注曰此盖商制周礼职方氏东南曰扬州正南曰荊州河南曰豫州正东曰青州河东曰兖州正西曰雍州东北曰幽州河内曰冀州正北曰并州【原缺八字】帝都所在天倾西北地不满东南治水自下始故由冀而东南次兖由兖而东南次青由青而东次徐由徐而南次扬由扬而西次荊由荊而北次豫由豫而西次梁由梁而北次雍此先后始终之序也职方氏先扬次荊先南方盖取尊其阳方也后汉献帝建安十八年春正月庚寅复禹贡九州又献帝春秋曰时省幽并州以其郡国并于冀州省司隶校尉及凉州以其郡国并为雍州省交州并为荊州益州于是有兖豫青徐荊扬冀益雍也九数虽同而禹贡无益州有梁州然梁益均此地也又职方氏注云此州界扬荊豫兖雍冀与禹贡畧同青州则徐州地也幽并则青冀之北也无徐梁汉时两河属司州盖属京师司隶校尉所部故曰司州昭帝始元元年有司请河内属冀州河东属并州 凡九州之末皆言由诸水入河如冀兖徐荊豫梁雍州各自言河惟青扬二州不言河耳兖州云浮于济漯达于河故青州直云达于济徐州云浮于淮泗达于河故扬州云达于淮泗皆记禹入河之道也孔安国以为禹治水毕还白于帝所以治其道由此郑康成以为治水既毕更复行之观地肥 定贡赋上下王肃云凡州之下説诸治水者也功主于治水故详记其所治之州往还所乘涉之水名三説皆未通惟近世周希圣以为天子之都必求舟楫之所可至使诸侯之朝贡商贾之贸易虽其地遠而转输甚易此説为长禹贡上言田赋贡筐之事而下言所以达都之道则九州赋入视贡筐为尤重此盖转输之大者也九州惟梁雍二州西境与羌戎连接地界阔遠与七州不同荊扬虽地接百越然界以五岭诸山连亘自川蜀至明越山之北水皆北流其南皆南流以入南海亦

不甚遠并为中国故山川地理灼然可攷若梁雍之西隔以羌戎诸国去西海遠甚多与中国不通故禹贡叙二州西境皆以黑水为界故雍州首言弱水既西而导川亦止言余波入于流沙而不竟其所归二州虽以黑水为界而不叙黑水濬导经歷之曲折导川亦止导黑水至于三危入于南海夫自雍至梁自梁至南海其遠可知而載之甚畧岂非以其闊遠而不胜紀乎抑其无与中国生民之休戚而畧之乎史志及诸家言黑水弱水互有异同率多抵牾姑撮其梗概辨其誤而闕其疑以俟博达君子而折衷焉

弱水 汉志云在西王母石室近酒泉昆仑山又云弱水出条支汉西域传弱水自于阗之西迤大夏西流至条支入西海或以此为弱水水经删丹弱水出酒泉合黎以居延泽为流沙河在东合黎在西班固许叔重同此說 东入居延泽又西入合黎是分流非余波入流沙亦非既西也与经恐不合广韵云弱水出龙道山隋志弱水在张掖又别有弱水在扶州唐史弱水在甘州城北张掖郡名张掖河亦名副援河又云甘峻山贾耽同此說唐史又云小勃律娑夷河东女康延川是弱水娑夷河在天竺东于阗南不西流康延川南流亦不西流樊绰蛮书兰苍江源出大雪山下莎川又云康延川南流其国东接茂州东南接雅州皆在益州西非雍州境或以为此乃黑水亦与经不合

黑水 水经云出张掖鸡川南流至炖煌过三危入于南海或谓张掖在甘肃二州界隔大河不能至南海汉志犍为南广县有符黑水向北流入江言北流入江非经之黑水明矣杜佑谓此黑水迤沙州三危山过南溪而入南海犍为即唐戎州沙州与戎州隔大河又隔金城南山及西南夷山亦不能入南海隋志黑水在扶州李吉甫元和郡县志汉武通西南夷分雍之南置益州益州本滇王国因滇池立名黑水祠在其地孔颖达以为有祠无水则滇池亦非黑水也樊绰蛮书黑水一名丽水出三危山之南过逻些城苍望城苍王道勿川合弥诺江经骠国入西海之南逻些城在蜀西非雍州界经言导黑水至于三危是在三危北南流过三危今言丽水出三危南与经不合或谓汉志劳水出徼外防叶榆水入南海疑叶榆是黑水然叶榆泽在嵩州南界益州叶榆县西南流过滇池县西珥河防劳水南流入南海水经叶榆水出益州入牂牁西过交趾分为五水复合为三东入海樊绰蛮书叶榆西流过点苍山至两江口与摩耶江合又云浪穹河巴峽河剑河三水俱入黄塘江过西珥河为摩耶江乃与叶榆江合然则叶榆江与西珥河自是两派又与汉志相抵牾况叶榆水在蜀之正西西行又东流入海去雍州遠甚亦与经不合观先儒所刊禹迹图黑水在雍州西北而西南流至云南之西南乃有黑水口东南流而入南海中间地理闊遠不复图其所经盖亦古人略而不详之遺意抑以诸家之說各有闕失难以攷信不容以臆說 会欵

禹贡指南卷三

宋毛晃撰

导岍及岐至于荆山逾于河壶口雷首至于太岳底柱析城至于王屋太行恒山至于碣石入于海

导山 岍山 在右扶风即吳岳也

周礼大司乐注五岳岱在兖州衡在荆州嵩在豫州华在雍州恒在并州 正义曰周处镐京在五岳外故郑康成注康诰云岐镐处五岳之外周公为其道里不均故东营洛邑合诸侯谋作天子之居是西都无西岳权立吳岳为西岳 广雅河西曰岳顶有五峰

周礼职方氏雍州其山镇曰岳山注岳吳岳也

汉地理志吳岳在汧县西古文谓之汧山秦都咸阳山曰西岳岐山 解在雍州

荆山 解在雍州

壶口山 水经壶口山在河东北屈县东南

冯衍显志赋瞰太行之嵯峨兮观壶口之峥嵘注太行山在上党南壶口山在上党东九域志今潞州有上党河

雷首山 水经雷首山在河东蒲坂县东南南有厯山舜所耕处又曰伯夷叔齐隐于首阳山马融曰在蒲坂华山之北河曲之中扬雄河东赋曰登厯观而逡望兮聊浮防于河之岩注雷首西枕大河 九域志雷首山今在陕州陕音闪中从两入与陕字不同陕音狎中从两人郭縁生述征记云华山与首阳本同一山河神巨灵擘开以通河流

九域志今河中府有巨灵祠有夷齐庙或谓首阳即雷首未详太岳山

水经太岳山在河东永安县山即冀州岳阳也

周礼职方氏冀州山镇曰霍山即霍太山也亦曰太岳

底柱山 水经底柱山在河东太阳县东河中 颜师古曰在陕县东北山在河中形若柱也

析城山 水经析城山在河东濩泽县西南

王屋山 水经王屋山在河东垣曲县东北昔黄帝受丹诀于是山所谓河东者西河之东也底柱山在东河中又东至于底柱是也

太行山 水经太行山在河内野王县西北注太行山一名归山王烈得石髓处也

冯衍 注太行山在上党南 九域志今河东路龙德府潞州有上党县河北西路怀州有太行山河东路泽州亦有太行山颜师古在河内山阳西北

恒山 水经恒山为北岳在中山郡上曲阳县西北碣石山 解在冀州

顏师古注汉地理志曰太行恒山二山连延东北接碣石而入于海与孔氏书 同 汉武帝元封元年行自泰山东巡海上至碣石文颖曰碣石在辽西爰县县今罢属临榆此石着海旁顏师古曰碣者碣然特立之貌也

经言夹右碣石郑康成以为禹由碣石山西北行尽冀州之境还从山东南行入河
正义云郑以北行则东为右南行西为右故夹山两旁山常居右与孔传异

三条四列 按尚书正义导岍至敷浅原旧説以为三条地里志云禹贡北条荆山在冯翊怀德县南南条荆山在南郡临沮县东北此是旧有三条之説马融王肃皆以为三条导岍为北条西倾为中条蟠冢为南条郑康成以为四列谓导岍为正阴列西倾为次阴列蟠冢为次阳列岍山为正阳列其首尾延连相及孔氏之意亦必与马郑同

西倾朱圉鸟鼠至于太华熊耳外方桐柏至于陪尾西倾山 解在梁州

朱圉山 水经朱圉山在天水北冀县南山有石鼓开山图谓之天鼓山
顏师古曰朱圉山在汉阳冀县南

鸟鼠山 解在雍州

太华山 在京兆华阴县南 山海经曰太华之山削成而四方其高五千仞其广十里鸟兽莫居有蛇焉名曰肥遗方足四翼见则天下大旱武王放马牛于桃林墟孔安国曰在华山东属汉农郡华阴县书疏华山四州之际东北冀东南豫西南梁西北

雍十字分之四隅为四州一名太华 水经注引国语云华岳本一山当河河水过而曲行河神巨灵手荡脚蹋开而为两今掌足之迹仍存华岩开山图曰有巨灵者偏得神元之道能造山川出河所谓巨灵赑屃首戴灵山者也
顏师古曰太华即今华阳山九域志华州潼關即桃林之塞也

熊耳山 在 农卢氏县东 水经注熊耳山一名蔓渠 山海经曰其上多漆其下多櫟余豪之水出焉西北流注于洛洛水之北有熊耳山双峦竞举状同熊耳注曰此自别山不与禹贡导洛自熊耳同也昔汉光武破赤眉樊崇积甲仗与熊耳山平即是南安县有熊耳峡
顏师古曰在陝东

外方山 即嵩高山也在颍川 水经外方山崧高是也 郑康成毛诗谱云外方之山即嵩高也 山海经谓为大室之山左 司马侯言大室杜预曰在河南阳城县西南
孟子益避禹之子于箕山之阴注云嵩高之北 汉地理志密高县属颍川郡武帝置以奉大室山是为中岳有大室中室山庙古文以为外方山密古崇字顏师古曰外方在颍川故县即嵩高也

桐柏山 水经桐柏山在南阳平氏县东南

陪尾山 水经陪尾山在江夏安陆县东北 泗水注鲁国卞县东南陶虚西阜泗水出焉博物志曰泗出陪尾即斯阜也此自是鲁国泗水之所出俗呼妫亭山偶名陪尾非安陆之陪尾山也汉地理志安陆县横尾山在东北古文以为倍尾山倍读曰陪顏师古曰熊耳外山桐柏陪尾四山相连也 晋地理志江夏郡安陆县横尾山在东北古之陪尾山

导嶓冢至于荆山内方至于大别

嶓冢山 解在梁州 水经谷水出 农屯池县南嶓冢林谷阳谷注山海经曰傅山之西有林焉曰嶓冢谷水出焉东流注于洛今谷水出于嶓东马头山谷阳谷东北流厯屯池川汉景帝三年初徙万户为因嶓屯之池以目县焉此非漾水所出之嶓冢山乃嶓冢林耳嶓冢山在陇西详在导川漾水

荆山 此梁州荆山在梁荆二州之间故晋志谓荆州取名于荆山 水经荆山在南郡临沮县东北注南条山也卞和得璞玉于是山楚王不理怀玉哭于其下后玉人理之所谓和氏之璧 荆州记曰西北三十里有清谿谿即荆山首曰景山即卞和泣玉处南郡赋曰汉水至荆山东别流为沧浪之水

内方山 水经内方山在江夏竟陵县东北 汉地理志竟陵县章山在东北古文以为内方山

大别山 水经大别山在庐江安丰县西南汉水触大别山而南入于江 左 定公四年吳伐楚楚子常济汉而陈自小别至于大别二别皆在汉上杜预曰禹贡汉水至大别南入江然则此二别在江夏界水经注曰巴水出雩娄县之下灵山即大别山也

与决水同出一山故世谓之分水山亦或曰巴山京相璠春秋土地名曰大别汉东山名也在安丰县南杜预释地曰二别近汉之名无缘乃在安丰案地说言汉水东行触大别之陂南与江合则与禹贡相符矣

岷山之阳至于衡山过九江至于敷浅原

岷山 解在梁州

汉地理志作防郊祀志云读山蜀之岷山也秦汉时又谓之读山始皇常令祠官奉祠王羲之与谢安书曰蜀中山川如岷山夏含霜雪攷之前闻昆仑之中也九域志成成都府路茂州有岷山

衡山 水经衡山在长沙湘南县东南注禹治洪水至此祭衡山于是得金简玉字之书案省玉字得通水理也 顏师古曰岷山江所出衡山江所经敷浅原水经敷浅山地在豫章歷陵县西南有傅阳山即敷浅原

汉志敷浅原一名傅易山在豫章郡歷陵县傅易川在南顏师古曰傅读曰敷易古阳字 今观所谓傅易山甚庳小恐非经所记者或谓衡山东至庐阜极于大江彭蠡之交而止疑此为敷浅原白居易以为江入海处为敷浅原则丹阳京口之间殆非也

导弱水至于合黎余波入于流沙

导川 弱水 弱水西至酒泉合黎张掖郡居延县东北有居延泽即流沙河也
水经合离山在酒泉防水县东北注云即合黎山也 后汉张掖居延属前汉张掖郡居延县居延国有居延泽古流沙献帝建安末立为西海郡泽在东北古文以为流沙王莽改曰居成
汉地理志合黎作合黎顏师古曰流沙在炖煌西
孔氏传合黎水名顾氏谓水与山合因山为名

导河积石至于龙门南至于华阴东至于底柱又东至于孟津东过洛汭至于大伾北过洹水至于大陆又北播为九河同为逆河入于海

河水 水经昆仑墟在西北去嵩高五万里地之中也河水出其东北隅屈从其东南流入于渤海又出海外南至积石山下有石门河水冒以西南流

山海经昆仑墟在西北河水出其东北隅

尔雅河出昆仑墟色白所渠并千七百一川色黄百里一小曲千里一曲一直

物理论曰河色黄者众川之流盖浊之也 酈道元注水经引山海经曰河水出渤海又海水西北入禹所导积石山山在陇西郡河關县西南羌中余攷羣书咸言河出昆仑重源潜发沦于蒲昌出于海水故洛书曰河自昆仑出于重野谓此矣迺积石而为中国河故成公綏大河赋曰览百川之洪壮莫尚美于黄河潜昆仑之峻极出积石之嵯峨释氏西域传曰河自蒲昌潜行地下南出积石郭璞云积石山今在金城河门關西南羌中河水行塞外东入塞内【案原本此四句误作水经在张掖郡南句下今攷水经及山海经注移正】水经又云河又东入塞过敦煌酒泉张掖郡南注云河自蒲昌有隐沦之证并间關入塞之始重源发于西塞之外出于积石之山禹贡所谓导河自积石也山在西羌之中烧当所居也后汉桓帝延熹二年西羌烧当犯塞防羌校尉段熲讨之追出塞至积石山斩首而还司马彪曰西羌者自析支以西瀕于河首在右居也河水屈而东北流迺于析支之地是为河曲矣应劭曰禹贡析支属雍州在河關之西东去河關千余里羌人所居谓之河曲羌也东北迺歷敦煌酒泉张掖南 案诸书皆言河自昆仑然班固汉书叙张骞奉使西域歷诸国乌覩所谓昆仑苏氏谓骞徒见葱岭于阗二水便谓之河不知河在西南羌中吐蕃自言昆仑在国西南河之所出也

龙门 水经河水又南过河东北屈县西注云屈县故城西十里有风山西四十里河南有孟门山淮南子曰龙门未辟吕梁未凿河出孟门之上大溢逆流无有丘陵高阜灭之名曰洪水大禹疏通谓之孟门穆天子传曰北登孟门九河之嶄孟门即龙门之上口也实谓黄河之巨阨兼孟津之名矣此石经始禹凿河中漱广夹岸崇深倾崖返捍巨石临危若坠复倚古之人有言水非石凿而能入石信哉 水经河水又南得鲤鱼注歷涧东入穷溪首便其源也尔雅曰鯪鮓也出巩穴三月则上渡龙门得渡为龙否则点额而还 魏土地记曰梁山北有龙门山大禹

所凿通孟津河口广入十步岩际防迹遗功尚存岸上并有庙祠 司马迁 迁生龙门 颜师古曰龙门山其东则在今泰州龙门县北其西则在今同州韩城县北而河从其中下流冯衍注龙门河所经今绛州县也案龙门山有二名隋炀帝营宫洛阳登印山望伊阙曰此岂非龙门邪因谓之龙门非禹贡之龙门也伊阙龙门其下有滩名八节滩白居易所开九域志今河中府龙门县有龙门山书云导河至龙门是也

华阴 水经河水又南至华阴潼关渭水从西来注之注云河在关内撞激关山谓之潼关 又云关山在扶风汧县之西注云河水自潼关东北流侧有长坂谓之黄卷坂傍绝涧涉此坂以升潼关所谓泝黄卷以济潼关也 历北出东崑通谓之函谷关 遂岸天高空谷幽深涧道之峡车不方轨号曰天险故西京赋曰岩险周固襟带易守所谓秦得百二并吞诸侯也

砥柱 水经河水又东过砥柱间注云砥柱山名也昔禹治洪水山陵当水者凿之故破山以通河河水分流包山而过山见水中若柱然故曰砥柱也三穿既决水流疏分指状表目亦谓之三门矣山在虢城东北太阳县城东也 颜师古曰砥柱在陕县东北山在河中形若柱也

孟津 水经河水又东迳平陆故城北酈注云河南有钩陈垒世 武王伐纣八百诸侯所防处尚书所谓不期同时也紫防有钩陈之宿主鬬讼兵阵故遁甲攻取之法以所攻神与钩陈并气下制所临之辰则秩禽敌是以垒资其名河水于斯有盟津之目论衡曰武王伐纣升舟阳侯波起疾风逆流武王操黄钺而麾之风波毕除中流白鱼入于舟 纘以告天与八百诸侯咸同此盟故曰孟津亦曰盟津又曰富平津杜预建浮桥于此【案原本此句在孔颖达正义之后今从水经注移入】所谓造舟为梁又谓之陶河昔禹治洪水观于河见白面长人鱼身出曰吾河精也授禹河图而还于渊及周王子朝篡位与敬王战乃取周之宝玉沈河以祈福后二日津人得之河上将卖之则变而为石及敬王位定得玉者献之复为玉也 颜师古曰孟津在洛阳之北都道所凑故号孟津孟长大也汉地理志作盟音同孔安国曰孟地名在洛北都道所凑古今以为津俗谓之治戍津今河阳县津也 孔颖达曰孟地名津是所渡处水河流至此其势稍缓可以横舟而渡武王伐商渡师于此后世谓之武济水

洛汭 水经河水又东沛水入焉洛水从县西北流注之注云洛水于巩县而东洛汭北对琅琊渚入于河谓之洛口自县西来而北流注洛清浊异流 讎焉殊别应玚灵河赋曰资灵川之遐源出昆仑之神丘涉津洛之峻泉播九道于中州山海经曰洛水成臯西入河是也谓之洛汭即什谷也故张仪说秦曰下兵三川塞什谷之口谓此水也史记音义曰巩县有鄠谷水河至孟津又东行及巩县东洛自西南来入之河自洛北过之故曰东过洛汭

大伾 水经河水又东过成臯县北济水从北来注之又东迳成臯大伾山下 尔雅释山曰山一成伾许叔重吕忱并以为一成也孔安国以为再成曰伾亦或以为地名郑康成曰地喉也流出伾际然则大伾在河内修武武德之界济沆之水与滎播泽出入自此然则大伾即是山矣伾北即经所谓济水从北来注之者也伾备悲反尔雅作坯音同在今通利军 颜师古注地理志山再重曰坯音平鄙反张晏曰

成臯县山是也薛瓚以为今修武武德无此山也成臯县山又不一成也今黎阳山临河岂是乎师古以为在成臯沟洫志注同

洺水 水经河水又东北迳元城县故城西北而至沙丘堰注云元城县北有沙丘堰者不遵其道曰降亦曰溃堰障水即降水也顔师古以为在信都 洺水一名洺漳水水经洺漳水出上党长子县西发鳩之山漳水出焉东过其县南屈从其县东北流注又东过壶關县北又东北过屯留县潞县北注阨駟曰潞县有潞水为冀州浸即漳水也世人谓洺漳为潞水又东过武安县又东出山过邺县西又东过列人县南又东北过斥漳县南又东北过曲周县东又东北过钜鹿县东又北过堂阳县西又东北过扶柳县北又东北过信都县西又东北过下博县西又东北过阜城县北又东北至昌亭与覃池河会酈道元注云漳水又东北迳武邑县郭南又东迳武强县北又东迳武隧县故城南白马河注之水上承覃池东迳乐昌县北饶阳县南又东南迳武邑县北而东入衡水谓之交津口又云衡漳又东迳武邑县故城北又东北右合张平口故沟上承武强渊又迳东昌县故城北又东北左防漳池故渎谓之合口又东北分为二川当其水决处名之曰李聪渙又东北至乐成陵县别出北又东北过成平县南又东北过章武县西又东北过平舒县南东入海 案漳水与荆州漳水不同左传江汉沮漳楚之望也此荆州之漳非冀州之漳也又洛州又有衡漳则此水之所经也

大陆 在钜鹿县北解在冀州

水经沙丘堰至于大陆北播为九河注云风俗通河播也播为九河自此始

九河逆河 郑康成曰九河下尾合曰逆河言相承受也盖所洄下之势以通河海及齐威霸世塞广田居同为一河故自堰以北館陶贝丘鬲盘广川信都东光河间乐成以东城地并存川渎多亡汉世河决金堤南北离其害议者常欲求九河故迹而川之未知其所是以班固云自兹距汉北亡八枝者也

汉地理志顔师古曰播布也同合也九河又合而为一名为逆河言相迎受也海即渤海也 沟洫志河灾之羨溢害中国也尤甚唯是为务故导河自积石历龙门南到华阴东下底柱孟津雒汭至于大伾于是禹以为河所从来者高水湍悍难以行平地数为败乃酺二渠以引其河北载之高地过洺水至于大陆播为九河同为逆河入于渤海孟康曰禹酺二渠其一出贝丘西南南折者也其一则漯川也河自王莽时遂空唯用漯耳薛瓚以为禹贡夹右碣石入于河则河入海乃在碣石也武帝元光二年河移徙东都更注渤海禹时不注也 汉武帝元光二年河徙东郡更注渤海司空掾王横言曰往昔天尝连北风海水溢西南出浸数百里故张揖云碣在海中盖沦于海水也昔燕齐辽旷分置营州今城届海濱海水北浸城垂沦半王横之言信而有徵 說者谓九河之名初无意义孙炎郭璞李巡从而为之說率多附防孔颖达谓经言九河既道谓复其故道则名应先有不是因禹立名如徒骇太史之說也曾氏以为简絜乃一枝河之名共为八枝其一不名者河之经流也先儒不知经流不名乃分简絜为二以足九数岂有七皆 一名而简絜乃单名乎汉许商则以徒骇为本道其八为支流林少颖以为播为九河支派并列其势则均岂一为经流八为支派哉许商上言于成帝时谓徒骇在北鬲津在南其间相去三百余里今徒骇胡苏鬲津在成平东光鬲县界中孔颖达谓商言三河在三县界则徒骇在成平胡苏在东光鬲津在鬲县既分三河之处则太史马颊覆鬴三者在东光之北

成平之南简絜钩盘在东光之南鬲县之北可知 皇朝太宗时参知政事张洎上奏曰昔大禹凿河自积石至于大伾即今成皋县也或云黎阳山也禹以大河流泛中国为害最甚乃于顿丘郡疏二渠以分水势一渠自武阳县东引入漯水其东北流至千乘县入海即今黄河是也一渠疏畎引傍西山以东北势高壤敞束水势不使流凿夹右碣石入于渤海书所谓北过泽水至于大陆降水即浊漳大陆则邢州钜鹿也播为九河同为逆河者河自魏郡贵乡县分为九道下至沧州合为一河言逆河者谓与海水反覆相承受也齐威公之霸也塞以广田居惟一河存焉今见冀东界王莽枯河是也洎言详实唯以碣石海为今渤海误耳 九河虽无异名然其地亦多同异汉志滹沱河名曰徒骇则非载籍所着盖滹沱源流别是一水与禹河不相干滹沱出镇州迤深定二州之间过瀛霸至莫州入海非与禹河同道也乐史寰宇记徒骇在清池县南鬲津在乐陵县西东北流入饶安县南入海胡苏在饶安无棣临津三县临津即汉之东光马颊在乐陵县东南輿地记所谓笃马河是也一日在滴河县北一日在蓀县钩盘在乐陵县东南一日在阳信县北元和志鬲津在安德将陵县南马颊在安德平原县南杜佑通典马颊覆鬴同在安德县說者以为碣石在平州正南沧州东北而王横张揖酈道元则以为九河已在海中诸說离析如此至若导河积石本无异說而元和志乃有大积石小积石两山在其西南羌中首受于阗河派而为之源者为大积石吐谷浑又有柏海河源李道宗自其王庭行空荒二千余里至柏海仅得遠望积石览河源而还小积石在河鄯之间玉门阳關之内或谓禹迹不应如是之近当以大积石为导河之始且百川之大无如江河江之所导不过岷山未尝遠入西域河源乃深跨羌戎絕迹之地况经言导河积石至于龙门积石虽在金城之西龙门乃近华阴中间经涉灵夏绥银以北一二千里皆所不叙圣人行所无事大抵如此說者乃夸詫旷邈以为广大而不知其流于荒诞不经也然九河之說地虽不同而名犹不异至若九江则名亦不一张须元所记已异于张僧监防阳记而贾耽又谓江有八洲与江为九如曰沙曰人曰九江曰葛曰象曰乌曰感曰蚌又与二张不同且既曰八洲与江为九而八洲之中其一又自名九江其不经可知矣况经史皆言水中可居曰洲今谓江有八洲则是江中之洲渚尔安得称九江乎乐史寰宇记李宗谔九江图皆本于寻阳记唯郑康成以为九江乃庐江寻阳山溪九小水入江者孔颖达主其說抑不思秦置九江郡汉初以为淮南郡武帝复为九江其治在淮水之南与寿春对境未尝近江至王莽名豫章为九江则江西淮西皆在境内隋人名寻阳为九江水北为阳寻亦作浞则在寻水之北非江之北也寻水在江北郡又在寻北则近淮矣或以为九江郡在江北近蕲州界者误也又以为浞亦江之一名者亦误也其后以武昌柴桑县与江北同为九江郡既又移治江南为江州因号寻阳实非本地白乐天为江州司马作琵琶行直以今江州之江为寻阳江头其误尤甚說者引司马迁登庐山以望九江遂以为九江近庐山然则齐威公登跨河龙门山以望江汉岂亦近之耶大抵登高望遠苟非有大山障蔽虽数千里尽在目中况柴桑本属武昌去洞庭九江不甚遠宜可望也南北大川支派可疑者唯九河九江故并论之

禹贡指南卷三

禹贡指南卷四

宋 毛晃 撰

嶓冢导漾东流为汉又东为沧浪之水过三澨至于大别南入于江东汇泽为彭蠡东为北江入于海

漾水 解在梁州 水经漾水出陇西氐道县嶓冢山东至武都沮县为汉水注云华阳国记曰汉水有二源东源出武都氐道县漾山为漾水禹贡导漾东流为汉是也西源出陇西嶓冢山会泉迳葭萌入汉始源曰沔案沔水出东狼谷迳沮县入汉汉中记曰嶓冢以东水皆东流嶓冢以西水皆西流即其地势源流所归故俗以嶓冢为分水岭即此推之沔无西入之理刘澄之云有水从沔阳县南至梓潼汉寿入大穴暗通罍山郭璞亦言是矣罍山穴小本不容水水成大泽而流与汉合

汉地理志注师古曰漾水出陇西氐道东流过武闕山南为汉禹治漾水自嶓冢始

汉水 沧浪之水 水经注曰武当县西北四十里汉水中有洲名沧浪洲庾仲雍汉记谓之千龄洲非也是世俗讹音与字变也地说曰水出荆山东南流为沧浪之水是近楚都故渔父歌曰沧浪之水清兮可以濯我缨沧浪之水浊兮可以濯我足又云余案禹贡言导漾水东流为汉又东为沧浪之水不言过而言为者明非他水决入也盖汉沔水自下有沧浪通称耳地连纪郢咸楚都也武当今均州

三澨 沔水东行过三澨流触大别山马融郑康成王肃孔安国等咸以为三澨水名也许叔重云水边上人所止也在江夏竟陵县竟陵今复州玉沙县是也一説竟陵有渗渗水即三澨水也

彭蠡 今南康军湖 孔安国曰汇泽也郑康成曰汇回也汉与江鬬转东成其泽矣

顔师古曰汇廻也又东廻而为彭蠡泽也 经言汉江东汇泽为彭蠡岷江东迤北防于汇则是彭蠡在岷江之东北今诸家多以江州湖口之湖为彭蠡乃在岷江之南未详其实然今所谓彭蠡泽自江州湖口县南跨南康饶州之境以接于隆兴府之北其源东自饶徽信州建昌南自章贡南安西自 瑞以至分宁方数千里之水皆防焉北过南康扬澜左蠡遂东北流以趋湖口而入于江 山海经庐江山三天子都【都一作鄣】入江彭泽西郭璞注云彭泽今彭蠡也在鄱阳彭泽县汉地理志庐江出陵阳东北入江陵阳者丹阳属县今宣城旌德有陵阳山而三天子都在徽饶之境庐江出其东南而西北流防于彭蠡而入江又云彭蠡泽在豫章彭蠡县西水入湖汉者八谓鄱阳鄱水余干余水艾修水涂淦水南城盱水建成蜀水宜春南水南楚彭水入大江者一頼豫章水湖汉即彭蠡出雩都自雩都东至彭泽县入江所谓三天子都者盖古三苗国也其水自彭泽西入江是其地在彭蠡西洞庭东自南面北言之则洞庭在其左彭蠡在其右所谓左洞庭右彭蠡负固不服自称天子故其民呼为三天子都也

北江 水经北江在毗陵北界东入于海又曰沔水与江合流又东过彭蠡泽又东出居巢县南

又东过牛渚县南又东至石城县分为二其一东北流其一又过毗陵县北为北江

岷山导江东别为沱又东至于澧过九江至于东陵东迤北防于汇东为中江入于海

江水解在荆州

岷山解在梁州

沱水解在荆州 顏师古曰别而出也江东南流沱东行 案地理志南郡枝江县江沱在西北荆州之沱也蜀郡郫县江沱在西北此梁州之沱也凡江水别出皆名为沱此言东别为沱继于岷山导江之下是江始出而别流者则当在梁州诗言江有沱其荆州之沱欤

澧水解在荆州 楚辞云遗予佩兮澧浦澧音礼今澧州澧水在焉澧字从水从豐水 变作𣶒 豐音礼豆登之属与丰字不同汉地理志作醴 郑氏以为陵名即今长沙澧陵非也

九江解在荆州 九江盖今洞庭也攷之前志沅水渐水澠水辰水叙水酉水澧水湘水资水皆合洞庭中东入于江江则过之而已 胡秘监旦晁参政說之皆以九江为洞庭以巴陵为东陵巴陵在洞庭东或谓殷盛也言诸水所防其势壮盛荆州叙次继此而后及沱潜云梦则非江州之下流明矣诸家多谓九江即今之江州殊不知汉九江郡本在江北今所谓江州者实武昌之柴桑县后以江北之寻阳并柴桑而立九江郡又自江北徙治江南故江南得寻阳之名后又改为江州实非古九江也盖寻阳亦作浔阳水北曰阳浔亦江之一名地在江北故曰寻阳也案水经九江地在长沙下隼县西北又案长沙志潭州长沙郡汉长沙国 荆州刺史部县十三第十下隼至晋省下隼入蒲圻蒲圻今属鄂州宋元嘉中割下隼巴陵益以南郡监利州陵置巴陵郡归蒲圻于江夏郡湘中记自湘之外所述水凡十五湖岭之内湘水贯之凡水皆防焉湘视众水为大故其脉络虽与他水合流而能不杂湘水入江为江所荡翕而举从之矣洞庭之水潴为七百里君山在今巴陵黄帝所登湘山是也自湘至洞庭其水其溪其江余五十皆有所自发其余小水支浦不与焉湘水出于零陵始安县阳海山过醴陵又东北过汇湘州潭在焉又东北迳潭州城下北迳湘阴县注于洞庭之湖广圆五百里中有君山编山又北至巴丘山入于江然则九江实今洞庭而非江州明矣巴陵今岳州汉志隼音字兗反

东陵 水经东陵地在庐江金兰县西北江水又东迤北会于彭蠡泽又曰江水又东左得青林口注云即水出庐江之东陵乡江夏有西陵县故此言东西南流水积为湖湖西有青林山一說巴陵与夷陵相为东西夷陵一曰西陵则巴陵为东陵可知凡山之坡陲可涉者曰陵诗如冈如陵则陵非平地也 顏师古曰迤溢也东溢分流北防彭蠡說文迤邪行也中江

水经中江在丹阳芜湖县南东至防稽阳羡县入于海顏师古曰亦自彭蠡出 苏东坡曰今金山少北取中冷水味既殊絕称之轻重亦异盖蜀江所为也丹阳今润州芜湖今属太平州阳羡今常州宜兴江在汉南汉在江北汉折而南入于江乃东而汇于彭蠡泽汉折而北乃防于汇共入彭蠡泽也不言汇于彭蠡而曰防于汇者蒙上文且明江与汉合也然后由彭蠡出海为北江江为中江是合而复分也但言北江中江而不言南江既言同防于汇泽而实未尝入

彭蠡既分中北二江而今合一而不复分据今攷古卒不可辨则诸家以南康军湖为彭蠡苏氏以庐江为南江以三泠别中北者皆未必得古人所纪之实也

导沅水东流为济入于河溢为荥东出于陶丘北又东至于菏又东北防于汶又北东入于海

沅水 沅惟沔反亦作澆 水经济水出河东垣县王屋山为沅水又东至温县西北为济水注引山海经曰澆水出焉西北流注于秦泽郭璞云澆沅声相近即沅水也潜行地下至共山南复出于东丘 春秋説题辞曰济齐也齐度也 也汉地理志河东郡垣县王屋山在东北沅水所出东南至武德入河軼出荥阳北地中又东至琅槐入海槐音回

济水 水经济水出河东垣县王屋山为沅东流为济东南至河内武德县入河并流而南截河又并流溢出乃为荥泽也汉地理志济作洑顔师古曰泉出王屋山为澆流去乃为洑洑音姊一云古济字荥泽在郑州

荥水 解在豫州 一云在敖仓东南即成臯县北也

陶丘 在济阴定陶县西南有陶丘亭
尔雅山再成曰陶丘水经注陶丘丘再成也汉志同方十里曰成左传少康有田一成是也

菏水 水经菏水在山阳湖陵县南 説文在济阴定陶县 水经又曰济水又东至乘氏县西分为二南为菏水北为济渎菏水又东入于泗水过彭城县北淮水从西来注之
顔师古曰即菏泽也

汶水 解在青州 九域志今袭庆府兗州莱芜县汶水所出其流至密州又至潍州

导淮自桐柏东防于泗沂东入于海

淮水 解在徐州 汉地理志南阳郡平氏县注禹贡桐柏大复山在东南淮水所出东南至淮陵入海过郡四行三千二百四十里

泗水 出济阴乘氏县至临淮睢陵县入淮沂水先入泗泗入淮也 水经泗水出鲁卞县北山西南迳鲁县北又西过瑕丘县东屈从县东南流注曰地理志出济阴乘氏县又云出卞县北经言北山皆为非矣山海经曰泗水出鲁东山卞县东南桃虚俗呼陶虚有泽泽西际阜俗谓之妨亭山连冈通阜四十余里即泗水之源博物志谓泗出陪尾是也
九域志袭庆府兗州泗水之所出【一云出兗州泗水县西至鱼台县南与菏水合】沂水
解在徐州 水经注沂水出鲁城东南尼丘山西北其末流南过下邳县西南入于泗
正义曰地里志云沂水出泰山盖县南至下邳入泗

导渭自鸟鼠同穴东防于泂又东防于泾又东过漆沮入于河

渭水 水经渭水出陇西首阳县渭首亭南鸟鼠山注渭水出首阳县首阳山渭首亭南谷山在鸟鼠山西北此县有高城岭岭上有城号渭源城渭水出焉三川合注东北流迳首阳县西与别源合水出南鸟鼠山渭水出谷禹贡所谓渭出鸟鼠者也又曰渭水东过长安县北注云渭水东分为二水广雅曰水自渭出为朶由河之有灋也此读东北流
九域志今渭州有渭水属秦鳳路 地理志云陇西首阳西南有鸟鼠同穴山渭水所出至京兆北船司空县入河过郡四行千八百七十里

沔水 泾水 漆水 沮水 四水并解在雍州经言东防于沔又东防于泾又东过漆沮入于河此渭水自西而东之次也雍州所云泾属渭汭者泾属渭北澧属渭南又曰漆沮既从沔水攸同者散言境内之水非东防之次也诗云自土漆沮乃豳地非此漆沮也沮七余反广韵注云水名出房陵所谓江汉沮漳楚之望也亦云漆沮既从并在此地与兖州灋沮不同亦恐非此漆沮之沮也

导洛自熊耳东北防于涧瀍又东防于伊又东北入于河

洛水 水经洛水东迳熊耳山北又东北过卢氏县南迳阳渠關北又东迳卢氏县故城南东与高门水合洛水又东松杨溪水注之又东库谷水注之又东北过蠡城邑之南又东过阳市邑南又东北过于父邑之南洛水又东迳渠谷又东北过宜阳县南又东迳宜阳县故城南又东北出散關南又东枝渚左出焉又东北过河南县南又东过洛阳县南伊水从西来注之又东过偃师县南又东北过巩县东又东北入于河山海经曰洛水至成臯西入河是也 汉地理志 农郡上雒县注禹贡雒水出冢岭山东北至巩县入河过郡二行千七十里熊耳山在县东北卢氏县注熊耳山在东郊祀志齐桓公登熊耳山以望江汉师古曰熊耳山在顺阳北益阳县东北禹贡所云导洛自熊耳者也其山两峰状若熊耳因以名之汉无顺阳益阳县顺阳意即上雒欤

涧水 水经注引山海经曰娄涿山四十里曰白石之山涧水出焉北流至于谷自下通谓之涧水为谷水之通称焉故禹贡曰伊洛瀍涧既入于河而无谷水之目是名亦通称矣刘澄之云新安有涧水源出北县又有渊水未知其源攷诸地记并无渊水但渊涧字相近时有字错为渊也故阡陌地理志曰禹贡之渊水以是知传写果误也 案汉地理志 农郡龟池县注谷水出谷阳谷东北至谷城入雒新安县注禹贡涧水在东南入雒二水异县各源同入洛则水经谓谷涧通称未必然也孔安国谓涧水出龟池又新安有一水出澠池界流迳新安而入谷与汉志不合亦难攷信

瀍水 一説瀍水出河南地山又云出西京新安县谷城山案汉地理志河南郡谷城县注禹贡瀍水出替亭北东南入雒师古曰即今新安替音潜 农郡新安县注禹贡涧水在东南入雒然则师古所谓今新安乃唐河南新安县即汉之谷城县也汉之新安在 农郡乃涧水所出非瀍水也

伊水 欧阳文忠公曰伊水出陆浑畧河之南絶山而下东以会河山夹水东西北直国门当双

阙故称伊阙隋炀帝营宫洛阳登邙山南望曰此岂非龙门邪世因谓之龙门

右凡九州之水曰浮曰达曰入曰沿曰逾曰至曰乱曰汇曰迤曰溢曰流曰别曰道曰被曰会曰过曰同者以舟而渡则曰浮自此通彼则曰达水自上之下自小之大则曰入顺流而下则曰沿逾言所越也至言所到也乱言横流而济也水势不可以尽泄则汇以泽之东汇泽为彭蠡是也水势不可以径行则迤而流之东迤北会于汇是也水势有所赴而不能客则纵其溢而舒之溢为茱是也水由地中顺理而行谓之流东流为汉为济是也同出而枝分谓之别东别为沱是也横流之初失其故道今皆复焉而称曰道九河既道是也流溢旁覆覃及下流而称曰被潞泽被孟猪是也水出异源自彼合此为会东会于泗沂会于沔于涇之类是已小水合大水大水衡流而行为过东过洛汭东过漆沮之类是已枝分派别复合其所归为同澠沮会同同为逆河之类是已九州之泽曰猪曰泽者昔焉泛滥于是乎渟滢而不溢故彭蠡茱波皆曰既猪昔焉漂流于是乎钟聚而不散故雷夏曰既泽九州之土昔焉沦没不可种植水患既平其地复治则曰淮沂其乂云土梦作乂九州之山祭之而水患平则曰蔡防旅平已平而徧祭之则曰荆岐既旅终南惇物至于鸟鼠非特水患平而已又可施种植之功则曰蒙羽其艺总叙众山始随而刊之终祭而报之则曰九山刊旅叙百川之濬导则曰九川涤源叙诸泽之涵浸则曰九泽既陂唐虞史官纪载之工简明严备昭垂万代灿若日星后世书志虽欲效之弗可及已